



URED ZA REVIZIJU INSTITUCIJA BiH  
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ  
AUDIT OFFICE OF THE INSTITUTIONS OF BOSNIA AND HERZEGOVINA

www.revizija.gov.ba



Broj: 07-16-1-819-3/22  
Sarajevo, 14.06.2022. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**  
10 06 2022

PRIMLJENO:			
Organizaciona jedinica	Klasifikaciona oznaka	Redni broj	Broj priloga
07/3-16-10		954/22	

Povjerenstvo za financije i proračun  
Doma naroda Parlamentarne skupštine BiH  
Trg BiH 1  
71000 Sarajevo

**Predmet: Izvješće - Praćenje realizacije preporuka revizije učinka**

Poštovani,

Sukladno članku 16. i 17. Zakona o reviziji institucija Bosne i Hercegovine ("Službeni glasnik BiH" broj 12/06), u prilogu akta dostavljamo Vam Izvješće - Praćenje realizacije preporuka revizije učinka „Upravljanje imovinom i troškovima smještaja u diplomatsko-konzularnim predstavništvima BiH“ na razmatranje i dalje postupanje.

S poštovanjem,

Dostavljeno:  
- Naslovu,  
- a/a.

**GLAVNI REVIZOR**  
Hrvatske Tvrtković  
  






URED ZA REVIZIJU INSTITUCIJA BiH  
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ  
AUDIT OFFICE OF THE INSTITUTIONS OF BOSNIA AND HERZEGOVINA

www.revizija.gov.ba



Broj: 07-16-1-819-2/22  
Sarajevo, 14.06.2022. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 16-06-2022

Organizaciona jedinica	Klasifikaciona oznaka	Redni broj	Broj priloga
01/4	16-90	954	22

Povjerenstvo za financije i proračun  
Zastupničkog doma Parlamentarne skupštine BiH  
Trg BiH 1  
71000 Sarajevo

**Predmet: Izvješće - Praćenje realizacije preporuka revizije učinka**

Poštovani,

Sukladno članku 16. i 17. Zakona o reviziji institucija Bosne i Hercegovine ("Službeni glasnik BiH" broj 12/06), u privitku akta dostavljamo Vam Izvješće - Praćenje realizacije preporuka revizije učinka „Upravljanje imovinom i troškovima smještaja u diplomatsko-konzularnim predstavništvima BiH“ na razmatranje i dalje postupanje.

S poštovanjem,

Dostavljeno:

- Naslovu,
- a/a.







URED ZA REVIZIJU INSTITUCIJA BIH  
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ  
AUDIT OFFICE OF THE INSTITUTIONS OF BOSNIA AND HERZEGOVINA

[www.revizija.gov.ba](http://www.revizija.gov.ba)



**PRAĆENJE REALIZACIJE PREPORUKA REVIZIJE UČINKA  
„UPRAVLJANJE IMOVINOM I TROŠKOVIMA SMJEŠTAJA U  
DIPLOMATSKO-KONZULARNIM PREDSTAVNIŠTVIMA BIH“**

Broj: 07-16-1-819/22

Sarajevo, juni 2022. godine



## Praćenje realizacije preporuka revizije učinka

Ured za reviziju institucija BiH proveo je praćenje aktivnosti institucija BiH na realizaciji preporuka revizije učinka za izvještaj revizije učinka "Upravljanje imovinom i troškovima smještaja u diplomatsko-konzularnim predstavništvima BiH" koji je objavljen u oktobru 2017. godine.

Praćenje je provedeno u skladu sa INTOSAI okvirom profesionalnih objava (IFPP), Principima revizije učinka, Vodičem za reviziju učinka i Vodičem za osiguranje kvaliteta u reviziji učinka vrhovnih revizionih institucija u BiH.

Osnovni cilj ovog izvještaja je da se mjerodavnim institucijama i javnosti prezentuju aktivnosti odgovornih institucija na realizaciji preporuka revizije učinka koje su date s ciljem da se unaprijede područja koja su bila predmetom revizije i sačuvaju budžetska sredstva. Rezultati praćenja ukazuju na to da je uočen nedovoljan napredak u stanju ove oblasti u odnosu na period kada je rađena revizija. Ipak, po svim datim preporukama, preduzimane su aktivnosti: 14% preporuka je u potpunosti realizovano, 43% preporuka je djelimično realizovano, a za 43% preporuka evidentirane su početne aktivnosti.

Studijom praćenja realizacije preporuka revizorski tim je konstatovao da je došlo do smanjenja troškova za unajmljivanje prostora ili zgrada i naknade za smještaj osoblja u DKP-u u 2018. godini u odnosu na 2017. godinu, kada je prvobitna revizija objavljena. To je posljedica smanjenja osoblja u predstavništvima, deviznog fluktuiranja koje se ogleda u jačanju eura i sl. Smanjenje troškova nije rezultat značajnijih korektivnih aktivnosti koje je MVP preduzimao na otklanjanju evidentiranih nedostataka u ovoj oblasti. I dalje je procenat realizacije višegodišnjih kapitalnih ulaganja, odnosno planiranih i realizovanih projekata kupovine, adaptacije i opremanja objekata u DKP-u izrazito nizak. MVP i pored višegodišnjih aktivnosti nije donio jasne standarde i kriterije koje objekti DKP-a trebaju ispunjavati. Od 2018. godine nisu kupovani objekti za potrebe DKP-a, iako je prednost kupovine objekata evidentna. Nije bilo značajnijih promjena u primanjima zaposlenih u DKP-ovima, te su i dalje zaposlenici u destinacijama u kojim su troškovi stanovanja izrazito veliki u nepovoljnijoj situaciji. Zabilježena je zajednička prodaja objekata dobijenih po osnovu sukcesije na pet lokacija. Evidentiran je određeni pomak kada je u pitanju useljenost objekata u vlasništvu BiH.


Izvještaj je, u skladu sa članom 16. i članom 17. Zakona o reviziji, dostavljen Parlamentarnoj skupštini BiH, Predsjedništvu BiH i Vijeću ministara BiH.

GENERALNI REVIZOR

Hrvoje Tvrtković

ZAMJENIK  
GENERALNOG REVIZORA

Jasmin Pilica



ZAMJENIK  
GENERALNOG REVIZORA

Ranko Krsman





2



## Sadržaj

Korištene skraćenice .....	6
Izvršni rezime.....	7
1. UVOD.....	9
1.1. Cilj i svrha praćenja.....	10
1.2. Predmet i obim praćenja.....	10
1.3. Izvori i metode praćenja.....	11
1.3.1. Osnovni podaci o izvještaju koji je predmet praćenja.....	11
2. POSTUPANJE NADLEŽNIH INSTITUCIJA PO IZVJEŠTAJU.....	12
2.1. Parlamentarna skupština.....	12
2.2. Vijeće ministara .....	13
3. PREDUZETE AKTIVNOSTI INSTITUCIJA NA REALIZACIJI PREPORUKA PO IZVJEŠTAJU.....	14
3.1. Ocjena realizacije preporuka – aktivnosti institucije na realizaciji preporuka...	14
3.2. Trenutno stanje u revidiranoj oblasti .....	19
PRILOZI.....	21

## Korištene skraćenice

Skraćenice	Puni naziv
BiH	Bosna i Hercegovina
Parlamentarna skupština	Parlamentarna skupština Bosne i Hercegovine
Dom naroda	Dom naroda Parlamentarne skupštine Bosne i Hercegovine
Predstavnički dom	Predstavnički dom Parlamentarne skupštine Bosne i Hercegovine
Predsjedništvo	Predsjedništvo Bosne i Hercegovine
Vijeće ministara	Vijeće ministara Bosne i Hercegovine
Ured za reviziju	Ured za reviziju institucija Bosne i Hercegovine
MFT	Ministarstvo finansija i trezora Bosne i Hercegovine
MVP	Ministarstvo vanjskih poslova Bosne i Hercegovine
DKP	Diplomatsko-konzularno predstavništvo Bosne i Hercegovine
VKU	Višegodišnja kapitalna ulaganja
DOB	Dokument okvirnog budžeta
SFRJ	Socijalistička Federativna Republika Jugoslavija

## Izvršni rezime

Ured za reviziju institucija Bosne i Hercegovine (Ured za reviziju) je proveo praćenje realizacije preporuka iz izvještaja revizije učinka "Upravljanje imovinom i troškovima smještaja u diplomatsko-konzularnim predstavništvima BiH" s ciljem procjene njihove implementacije i stanja u revidiranim područjima. Predmetni izvještaj je objavljen u oktobru 2017. godine.

Tabela i grafikon u nastavku daju pregled realizacije preporuka ove revizije učinka.

Tabela 1: Pregled realizacije preporuka revizije učinka „Upravljanje imovinom i troškovima smještaja u diplomatsko-konzularnim predstavništvima BiH“


Stepen realizacije	Broj preporuka	Procenat preporuka realizacije
Realizovano	1	14%
Djelimično	3	43%
Početne aktivnosti	3	43%
Nisu preduzimane aktivnosti	0	0%
<b>Ukupno</b>	<b>7</b>	<b>100%</b>

Izvor: Ured za reviziju

Grafikon 1: Pregled realizacije preporuka revizije učinka „Upravljanje imovinom i troškovima smještaja u diplomatsko-konzularnim predstavništvima BiH“

### BROJ PREPORUKA

■ Realizovano ■ Djelimično ■ Početne aktivnosti ■ Nisu preduzimane aktivnosti



Kao što je to i vidljivo iz prethodne tabele i grafikona, kod većine datih preporuka preduzimane su aktivnosti na njihovoj realizaciji. Za 14% datih preporuka je ocijenjeno da su okončane aktivnosti navedene u preporuci. Za 43% datih preporuka, u toku je realizacija, a za 43% datih preporuka preduzete su početne aktivnosti, što znači da su institucije planirale ili stvaraju preduslove za realizaciju aktivnosti koje vode ka realizaciji preporuka.

Iako je u odnosu na prvobitno provedenu reviziju došlo do smanjenja iznosa troškova zakupa i dalje postoje neefikasnosti kada je u pitanju realizacija sredstava za višegodišnje kapitalne projekte. Realizacija istih je važna zbog potrebe zaštite postojećih objekata od propadanja, racionalizacije troškova zakupa prostora i zgrada, osiguranja adekvatnih uslova za rad zaposlenih u mreži diplomatsko-konzularnih predstavništava BiH (DKP). Nisu doneseni ni jasni standardi i kriteriji koje objekti DKP-a trebaju ispunjavati. Pravilnik o plaćama, dodacima i naknadama osoblja u DKP-u nije značajnije mijenjan od 2008. godine i u odnosu na stanje konstatovano prvobitnom revizijom. I dalje su zaposlenici u destinacijama u kojim su troškovi stanovanja izrazito veliki u nepovoljnijoj situaciji.

Još uvijek ima značajnog prostora za efikasnije upravljanje imovinom i troškovima smještaja u ovoj oblasti. To se prije svega odnosi na ubrzavanje realizacije višegodišnjih kapitalnih ulaganja (VKU) Ministarstva vanjskih poslova (MVP) koja su namijenjena za kupovinu, adaptaciju i opremanje objekata u vlasništvu BiH u svijetu. Nastavkom provođenja aktivnosti na realizaciji datih preporuka doprinijet će se zaštiti postojećih objekata od propadanja kao i racionalizaciji i optimizaciji troškova i uslova smještaja osoblja u DKP mreži.

## 1. UVOD

U uvodnom dijelu ovog izvještaja obrazložen je opći cilj i svrha praćenja realizacije preporuka revizije učinka, predmet, obim, izvor i metode praćenja, te osnovne informacije o izvještaju koji se prati.

### 1.1. Cilj i svrha praćenja

Zadatak revizije učinka je izvještavanje o efikasnosti, efektivnosti i ekonomičnosti programa ili aktivnosti, a pravovremena realizacija preporuka i unapređenje rada je zadatak revidiranih institucija.

Praćenje realizacije preporuka iz izvještaja o provedenim revizijama učinka predstavlja finalnu fazu revizije učinka koja slijedi nakon ciklusa planiranja i izvršenja revizija učinka. Praćenje je neophodan element u reviziji učinka jer potiče na odgovornost institucija kojima su upućene preporuke i osigurava povratne informacije o efektima provedenih revizija.

Praćenje izvještaja revizije učinka<sup>1</sup> i analiza aktivnosti nadležnih institucija nakon objave izvještaja predviđeno je i dokumentima Ureda za reviziju: Principi revizije učinka, Vodič za reviziju učinka i Vodič za osiguranje kvaliteta u reviziji učinka.<sup>2</sup>

Preporuke date u izvještajima revizije učinka se trebaju pratiti kako bi se ustanovilo koje mjere su nadležne institucije preduzele po datim preporukama, koje preporuke su realizovane i koji efekti su ostvareni. Vrijeme, predmet i obim praćenja realizacije preporuka je odluka vrhovnih revizionih institucija.<sup>3</sup>

Praćenje postupanja institucija BiH po datim preporukama revizije učinka je aktivnost koja je provedena s ciljem osiguravanja efektivnosti revizionih izvještaja, pravovremene i efikasne realizacije preporuka i pružanja povratne informacije za Ured za reviziju, zakonodavnu i izvršnu vlast o realizaciji datih preporuka.

Od uspostave funkcije revizije učinka, zaključno sa 31.12.2021. godine objavljeno je ukupno 55 izvještaja revizije učinka, od čega osam izvještaja o praćenju realizacije preporuka iz objavljenih izvještaja revizija učinka.

Izvještaji o praćenju realizacije preporuka se razmatraju i usvajaju na sjednicama Parlamentarne skupštine BiH (Parlamentarna skupština).

<sup>1</sup> Standard revizije učinka, ISSAI 300

<sup>2</sup> Odlukom Koordinacionog odbora broj: 12-50-1-19-2/09 usvojeni su Principi revizije učinka; Odlukom Koordinacionog odbora broj: 06-50-1-4/13 usvojen je Vodič za reviziju učinka; Odlukom Koordinacionog odbora broj: 06-50-1-5/13 usvojen je Vodič za osiguranje kvaliteta u reviziji učinka.

<sup>3</sup> Smjernica revizije učinka GUID 3920

## 1.2. Predmet i obim praćenja

Ured za reviziju je nastavio s aktivnostima praćenja izvještaja revizije učinka. Ovoga puta predmet praćenja je izvještaj revizije učinka: "Upravljanje imovinom i troškovima smještaja u diplomatsko-konzularnim predstavništvima BiH" koji je objavljen 24.10.2017. godine. Praćenjem je obuhvaćen period od objave izvještaja do kraja 2021. godine.

Ured za reviziju je analizirao stanje iz područja koja su revidirana i utvrđivao je sljedeće:

- Koje aktivnosti su preduzimale nadležne institucije (Parlamentarna skupština i Vijeće ministara BiH ) nakon objavljivanja izvještaja revizije učinka?
- Da li su i u kojoj mjeri institucije preduzimale aktivnosti na realizovanju preporuka revizije učinka i zaključaka nadležnih institucija?
- Imajući u vidu ciljeve revizije, koje su se promjene stanja u revidiranim oblastima desile u odnosu na stanje utvrđeno u objavljenom izvještaju?

Revizija je analizirala preduzete aktivnosti bez utvrđivanja razloga za preduzimanje istih, tj. nije ispitivano da li su iste posljedica datih preporuka revizije ili su posljedica drugih okolnosti.

## 1.3. Izvori i metode praćenja

S ciljem prikupljanja podataka o realizaciji preporuka i zaključaka nadležnih institucija, MVP-u je dostavljeno cirkularno pismo. U pismu su navedene date preporuke iz izvještaja i zaključci nadležnih institucija. Od MVP-a je traženo da u pisanoj formi predstavi aktivnosti koje su preduzimate, kao i dokaze kojima se to potkrepljuje.

Potrebne informacije su prikupljene i na osnovu analize zapisnika (zaključaka) sa sjednica Predstavničkog doma Parlamentarne skupštine BiH (Predstavničkog doma), Doma naroda Parlamentarne skupštine BiH (Doma naroda). Analizirani su troškovi koje MVP ima po ovom osnovu u godinama nakon provedene revizije, zakonski i podzakonski akti, izvještaji, informacije, analize, medijski natpisi, objave u Službenom glasniku BiH, izvještaji finansijske revizije i sastanci i komunikacija sa subjektom revizije.

U izabranom metodološkom pristupu teret dokazivanja preduzetih aktivnosti na osnovu preporuka je na instituciji kojoj su preporuke bile upućene. Na osnovu odgovora institucija na upit Ureda za reviziju o preduzetim aktivnostima na realizaciji preporuka, i dostavljenih dokaza, vršena je procjena stepena preduzetih aktivnosti. Za navode institucija o preduzetim aktivnostima, dodatno su traženi dokazi. Smatrali smo da aktivnosti koje nisu spomenute u odgovoru institucije, niti su za njih dostavljeni dokazi, a koje je podrazumijevala data preporuka ili zaključak nadležnih institucija, u konkretnom izvještaju, nisu ni preduzimate.

Utvrđene su četiri moguće kategorije realizacije preporuka:

- Prva – **realizovano** - institucije su okončale aktivnosti navedene u preporuci, odnosno preporučene kontinuirane aktivnosti se redovno provode – stanje u revidiranom području je značajno popravljeno;
- Druga – **djelimično** – u institucijama je u toku realizacija preporuka, odnosno izvjesna je realizacija aktivnosti koje vode realizaciji preporuke – postignut je napredak u revidiranom području;

- Treća – početne aktivnosti – institucije su planirale ili stvaraju preduslove za realizaciju aktivnosti koje vode realizaciji preporuke – nije bilo napretka u revidiranoj oblasti;
- Četvrta – nisu preduzete aktivnosti – nisu konstatovane aktivnosti na realizaciji preporuka ili nisu dostavljene informacije o preduzetim aktivnostima – nije bilo napretka u revidiranom području.

Također, u procesu procjene realizacije preporuka, konsultovane su kolege iz revizorskih timova koji su vršili predmetnu reviziju, kao i kolege iz finansijske revizije, te je za ocjenu stanja prikupljena dokumentacija koja je dodatno poslužila za ocjenu realizacije preporuka.

Radi dodatne provjere dokaza, analizirani su planovi rada MVP-a i Vijeća ministara od provođenja prvobitne revizije do kraja 2021. godine. Analizirani su svi doneseni akti MVP-a koji se tiču VKU-a o kupovini, obnovi ili opremanju objekata u DKP mreži, planovi javnih investicija, analitika rashoda VKU u ovoj oblasti, odluke i nacrti akata, troškovi zakupa i naknada za zakupe zaposlenih u DKP-u, analizu koju je kreirao MVP, pisani tragovi aktivnosti koje su DKP-ovi preduzimali u cilju unapređenja u ovoj oblasti, srednjoročni plan rada MVP-a s pratećim akcionim planom, dokument okvirnog budžeta (DOB) MVP-a i sl.

Za procjenu stanja u oblasti upravljanja imovinom i troškovima smještaja u DKP-u konsultovani su izvještaji finansijske revizije i godišnji izvještaji revizije o izvršenju budžeta. Također je obavljen polustrukturirani intervju sa osobljem MVP-a, te je vršena analiza dostavljene dokumentacije koja je pružila uvid u stanje oblasti.

### 1.3.1. Osnovni podaci o izvještaju koji je predmet praćenja

Izvještaj je dostavljen revidiranim institucijama, Parlamentarnoj skupštini, Vijeću ministara i Predsjedništvu BiH (Predsjedništvo).

Izvještaj je objavljen na internetskoj stranici Ureda za reviziju i propraćen je saopćenjem za medije. U narednoj tabeli prezentovani su podaci o preporukama iz izvještaja koji je predmet tekućeg praćenja.

Tabela 2: Pregled broja datih preporuka u izvještaju revizije učinka „Upravljanje imovinom i troškovima smještaja u diplomatsko-konzularnim predstavništvima BiH“

Naziv izvještaja	Ukupan broj preporuka	Ukupan broj preporuka institucijama	Ukupan broj preporuka Vijeću ministara
Upravljanje imovinom i troškovima smještaja u diplomatsko-konzularnim predstavništvima BiH	7	7	0

Izvor: Ured za reviziju

## 2. POSTUPANJE NADLEŽNIH INSTITUCIJA PO IZVJEŠTAJU

U ovom poglavlju predstavljene su aktivnosti nadležnih institucija, Parlamentarne skupštine i Vijeća ministara po ovom izvještaju revizije učinka.

### 2.1. Parlamentarna skupština

Predstavnički dom i Dom naroda su razmatrali i usvojili izvještaj revizije učinka koji je predmet tekućeg praćenja. Prilikom usvajanja izvještaja, Parlamentarna skupština je usvojila i zaključke u kojima se traže povratne informacije nadležnih institucija o realizaciji preporuka revizije. MVP je postupio po spomenutom zaključku. Navedenim se vrši dodatan pritisak na odgovorne institucije BiH da realizuju date preporuke revizije.

Usvajanjem izvještaja revizije učinka utvrđena je obaveza odgovornih institucija da realizuju preporuke iz izvještaja revizije učinka.

Slika 1. Razmatranje izvještaja revizije učinka „Upravljanje imovinom i troškovima smještaja u diplomatsko-konzularnim predstavništvima“ na sjednicama Parlamentarne skupštine

<p>55. sjednica Predstavničkog doma od 21.12.2017., 17. i 31.01.2018. godine.</p>	<p>5. hitna sjednica Doma naroda od 22.12.2017. godine.</p>
<p>•Zaključak:</p> <p>1. Predstavnički dom traži od MVP-a da u roku od šest mjeseci izvijesti Predstavnički dom Parlamentarne skupštine BiH o planiranim i preduzetim aktivnostima na realizaciji preporuka iz izvještaja, te da o preduzetim aktivnostima upozna Ured za reviziju Institucija BiH.</p>	<p>•Zaključak</p> <p>•1. Dom naroda traži od MVP-a da hitno pristupi realizaciji preporuka iz izvještaja, te da u roku od šest mjeseci izvijesti Dom naroda Parlamentarne skupštine BiH o preduzetim aktivnostima na realizaciji preporuka iz izvještaja, kao i da o preduzetim aktivnostima upozna Ured za reviziju Institucija BiH.</p>


Izvor: Ured za reviziju na osnovu zapisnika sa sjednica domova Parlamentarne skupštine



## 2.2. Vijeće ministara

Vijeće ministara se upoznao s Izvještajem revizije učinka na temu „Upravljanje imovinom i troškovima smještaja u diplomatsko-konzularnim predstavništvima“, koji je pripremio Ured za reviziju, te za realizaciju zaključaka i preporuka iz Izvještaja zadužilo MVP.

Slika 2. Razmatranje izvještaja revizije učinka „Upravljanje imovinom i troškovima smještaja u diplomatsko-konzularnim predstavništvima“ na sjednici Vijeća ministara



Izvor: Ured za reviziju na osnovu zapisnika sa sjednice Vijeća ministara

### 3. PREDUZETE AKTIVNOSTI INSTITUCIJA NA REALIZACIJI PREPORUKA PO IZVJEŠTAJU

#### 3.1. Ocjena realizacije preporuka – aktivnosti institucije na realizaciji preporuka

Preporuke MVP-u:

##### Preporuka 1.

<b>MVP treba osigurati kvalitetnije analize za odluke koje donosi ili predlaže</b>	
<b>STEPEN REALIZACIJE:</b>	<b>POČETNE AKTIVNOSTI</b>

Početkom 2018. godine MVP je izradio elaborat pod nazivom „Analiza komparacije DKP-a i rezidencija“. Isti dokument zajedno s tabelarnim prikazom realizovanih aktivnosti iz preporuka revizije učinka MVP je dostavio domovima Parlamentarne skupštine i Uredu za reviziju. Pomenuti elaborat obuhvata pregled ukupnih i prosječnih troškova DKP-a i rezidencija, kontinentalnu komparaciju DKP-ova kada su u pitanju troškovi zakupa, komparaciju zakupnina u DKP-ovima i rezidencijama u susjednim zemljama, analizu potreba kupovine objekata za potrebe DKP-ova, tržišne procjene vrijednosti objekata u vlasništvu BiH i analizu komparacije DKP-a i rezidencija.

Iako izrada elaborata predstavlja iskorak u smislu upravljanja imovinom i troškovima smještaja u DKP-u i nudi određeni pregled stanja, ovaj elaborat ne daje pregled svih mogućih opcija prije donošenja odluke o najboljoj. MVP nije donio strateški plan prioriteta u ovoj oblasti niti potpuni plan kupovine objekata. Pomenuti elaborat definiše opredjeljenje i argumente za kupovinu objekata samo za države u bliskom regionu i to na lokacijama Podgorica, Ljubljana i Skoplje. Kupovinom objekata na ove tri lokacije, MVP procjenjuje da bi iznos zakupnina bio umanjen na godišnjem nivou za oko 200.000 KM, odnosno za oko 4,1% ukupnih troškova koje MVP izdvaja za ovu namjenu. Realizacija kupovine objekata na spomenutim lokacijama nije ni započela, osim u slučaju Podgorice gdje je VM donio odluku o kupovini objekta na ovoj lokaciji te je formirao komisiju za kupovinu objekta. Aktivnosti na kupovini objekta u Podgorici su privremeno obustavljene zbog imenovanja novog člana komisije. Procjena MVP-a je da bi godišnja ušteda naknade za zakup na ovoj lokaciji iznosila oko 66.000 KM. Sagovornici u MVP-u ističu da postoje opredjeljenja za kupovinu objekata u neposrednom regionu kao i ulaganje u objekte bivše SFRJ koje je BiH naslijedila, međutim, analiza postupanja u smislu prioriteta u ovoj oblasti nije sačinjena.

Kada je riječ o realizaciji preporuke u dijelu kvalitetnijih analiza za odluke koje se tiču visine naknada za smještaj u DKP-ovima, Pravilnik o plaćama, dodacima i naknadama osoblja u DKP-u nije značajnije mijenjan od 2008. godine i u odnosu na stanje konstatovano prvobitnom revizijom.

## Preporuka 2.

**Objekti naslijeđeni u postupku sukcesije imovine trebaju se žurno zaštititi od propadanja i devastacije**

**STEPEN REALIZACIJE:**

**POČETNE AKTIVNOSTI**

MVP, kada je u pitanju realizacija ove preporuke, je još uvijek u fazi procjene stanja i potrebnih ulaganja u ove objekte.

Prvobitnom studijom revizorski tim je posjetio ambasade BiH u Beču i Madridu da bi se uvjerali u stanje objekata DKP-a. U dostavljenom akcionom planu postupanja po preporukama, koji je MVP dostavio Uredu za reviziju u martu 2018. godine, navodi se da je Vijeće ministara donijelo Odluku o korištenju sredstava naplaćenih od Republike Srbije na ime korištenja zgrade ambasada bivše SFRJ u Ankari. Iznos od 555.300 USD će biti usmjeren na rekonstrukciju objekata u Budimpešti i Madridu kroz projekte VKU-a za period od 2018. do 2020. godine. Međutim, do trenutka praćenja realizacije ove preporuke nije došlo do značajnijih radova na rekonstrukciji i osposobljavanju ovih objekata. Značajno je spomenuti da je osigurano 400.000 KM za hitnu rekonstrukciju krova na objektu i kućištu lifta objekta u Madridu te je urađen glavni projekat rekonstrukcije i adaptacije kompletnog objekta sa predračunom potrebnih radova koji iznosi oko 1,3 mil. eura. Aktivnosti na rekonstrukciji, adaptaciji i opremanju ovog objekta planirane su za period 2020–2022. godine. U slučaju objekta u Budimpešti, 800.000 KM je bilo namijenjeno za rekonstrukciju istog, potpisan je ugovor sa odabranom projektantskom kućom za izradu glavnog projekta i predračuna radova na osnovu kojeg će se raspisati javni poziv za izbor izvođača radova i nadzor. Rekonstrukcija objekata za DKP u Beču planirana je donesenom odlukom Vijeća ministara u 2020. godini i to u iznosu od 2,1 mil. KM, ali do kraja 2021. godine nije bilo realizacije po ovom osnovu te su sredstva ostala neutrošena do kraja 2021. godine.

Iako nije sačinjena lista prioriteta na rekonstrukciji i adaptaciji objekata naslijeđenih u postupku sukcesije<sup>4</sup>, MVP je u posmatranom periodu provodio aktivnosti na rekonstrukciji i obnovi objekata koji su naslijeđeni po osnovu sukcesije. Vršene su aktivnosti u manjem obimu na pripremi za adaptaciju i adaptaciji objekata u Londonu, Otavi, ali projekti na kojim su potrebni značajniji radovi, kao što su spomenuti objekti u Beču, Madridu i Budimpešti, još uvijek su u početnoj fazi rekonstrukcije i adaptacije bez precizne procjene kada će biti u upotrebi i uz rizik daljeg propadanja.

<sup>4</sup> Objekti u Beču, Oslu, Budimpešti, Madridu, Ankari, Londonu, Otavi, Milanu.

**Preporuka 3.**

<b>MVP treba pripremiti strateški plan za rješavanje pitanja smještaja u kojem će se utvrditi prioritete po pitanju ulaganja u objekte za smještaj DKP-a</b>	
<b>STEPEN REALIZACIJE:</b>	<b>DJELIMIČNO</b>

MVP nema integralni dokument strateškog plana u kojem se utvrđuju prioritete po pitanju ulaganja i kupovine objekata za smještaj DKP-a. Postoji interno opredjeljenje, kako navode sagovornici iz MVP-a, u skladu sa zaključcima Predsjedništva, kojim se daje prioritet kupovini objekata u susjednim državama. Kroz DOB, MVP navodi da je, kada je u pitanju kupovina objekata, prioritet kupovina objekata u susjednim državama, a što je vidljivo i iz DOB-a za 2021–2023. godinu. Naime, u ovom periodu je planirana kupovina objekata u Ljubljani u iznosu od 2,3 mil. KM, objekata u Skoplju 2 mil. KM i objekata u Rimu i Vatikanu u iznosu od 4 mil. KM. Kupovinom ovih objekata planirane su uštede na godišnjem nivou od 362.000 KM. Međutim, iz Izvještaja o radu MVP-a za period 2018, 2019. i 2020. godina i navedenim projektima javnih investicija, vidljivo je da ova opredjeljenja datiraju i iz prethodnih godina. U srednjoročnom planu rada MVP-a za period od 2021. do 2023. godine u okviru specifičnog cilja Unapređenje sistema zaštite interesa Bosne i Hercegovine, njenih građana i pravnih lica u inostranstvu, naveden je i program Unapređenje rada MVP-a, kroz preuzimanje objekata dobijenih sukcesijom te osiguranje propisanih standarda za rad DKP-a. Kao pokazatelj uspjeha provođenja ovog programa navodi se i smanjenje zakupa objekata za potrebe DKP mreže, adaptacija i opremanje, bez detaljnijeg opisa. Ni u Akcionom planu za provođenje ovog dokumenta nisu preciznije navedeni prioritete po pitanju ulaganja u objekte za smještaj.

**Preporuka 4.**

<b>MVP treba definisati jasne standarde i kriterije koje objekti za smještaj DKP-a trebaju ispunjavati</b>	
<b>STEPEN REALIZACIJE:</b>	<b>POČETNE AKTIVNOSTI</b>

MVP i dalje nije jasno definisao kriterije i standarde koje objekti DKP-a trebaju ispunjavati (lokacija, raspon prihvatljive kvadrature i druge karakteristike koje različiti objekti DKP-a trebaju ispunjavati – stanovi, rezidencije, konzulati, misije i ambasade). MVP je u martu 2016. godine donio odluku o formiranju radne grupe za pripremu pravilnika o nekretninama, međutim, dokument nije stupio na snagu ni do početka 2022. godine. Pripremljen je nacrt odluke o upravljanju nekretninama, koji bi trebao jasno definisati kriterije za zakup objekata za potrebe smještaja DKP-a, ali ista nije nikad donesena uz objašnjenje da bi donošenje takve odluke iziskivalo dodatna budžetska sredstva što u okvirima postojećeg fiskalnog okvira nije izvodljivo. Iz prijedloga pomenute odluke vidljivo je da je ista pripremljena početkom 2020. godine.

#### Preporuka 5.

**MVP treba predložiti novu odluku o osnovicama koja će biti usklađena sa UN indeksima troškova života**

**STEPEN REALIZACIJE:**

**REALIZOVANO**

U posmatranom periodu od 2018. godine, MVP svake godine predlaže Vijeću ministara na usvajanje i donošenje novu Odluku o osnovicama za obračun plaća i naknada u DKP-u, što je unaprijeđeno u odnosu na stanje konstatovano prvobitnom revizijom. Odluka se usklađuje sa UN indeksima troškova života (bazni index Njujork = 100) i uključuje Index „total“ u koji su uračunati troškovi života za rentu.<sup>5</sup>

Odluke o osnovicama za obračun plaća i naknada u DKP-u su usvojene od strane Vijeća ministara za 2018. 2019. i 2020. godinu, dok je za 2021. godinu MVP pripremio i uputio odluku Vijeću ministara na usvajanje, ali ista, kako tvrde sagovornici iz MVP-a, nije donesena zbog nerazmatranja ove odluke na sjednicama Vijeća ministara. Odluka za 2022. godinu treba biti upućena u procedure dobijanja saglasnosti od nadležnih institucija. Tokom revizije predmet analize bile su i osnovice za obračun plaće u DKP mreži za 2019. i 2020. godinu. Evidentno je smanjenje osnovica za većinu zemalja u kojim se nalaze predstavništva. Tako je osnovica za obračun smanjena u 35 od 53 sjedišta DKP-a u 2020. godini u odnosu na 2019. godinu.

#### Preporuka 6.

**MVP treba povećati iskorištenost prostora objekata DKP koje posjeduje**

**STEPEN REALIZACIJE:**

**DJELIMIČNO**

Iako je BiH u posjedu značajnog broja objekata, svi oni i dalje nisu useljeni. MVP nije vršio analize iskoristivosti objekata DKP-a ni nakon provedene revizije kojom je konstatovano da više od polovice stambenih jedinica u vlasništvu BiH nije useljeno ili je povremeno useljeno. Neuseljeni su uglavnom bili stambeni prostori u objektima ambasada naslijeđenih sukcesijom imovine bivše SFRJ. Razlog njihove neuseljenosti je što ti stambeni prostori nisu obnovljeni i opremljeni. Drugi razlog je što zaposlenici DKP-a nisu zainteresovani za stanovanje u tim prostorima, niti ih po postojećim propisima na to neko može prinuditi. I dalje ne postoje propisi koji bi osigurali da zaposlenici DKP-a ne mogu odbiti smještaj u uslovnim stambenim jedinicama u vlasništvu BiH.

Studijom praćenja realizacije preporuka utvrđeno je da je ipak napravljen određeni pomak nakon početno provedene revizije te su useljene stambene jedinice u Oslu, Otavi, Londonu, kao i konzulat sa stanovima u Štuttgartu. Stambena jedinica u Milanu još uvijek nije useljena, kao ni rezidencija u Beču i Budimpešti i zgrada ambasade sa stanovima u Madridu. Pregled useljenosti objekata dat je u prilogu broj 3.

<sup>5</sup> <https://icsc.un.org/Home/GetDataFile/7049>

**Preporuka 7.**

**DKP trebaju preuzeti snažniju inicijativu u analizama troškova smještaja i u predlaganju alternativnih rješenja za smještaj DKP-a**

**STEPEN REALIZACIJE:**

**DJELIMIČNO**

Prvobitnom revizijom je konstatovano da je odgovornost DKP-ova da čuvaju vrijednost imovine koju imamo, te da kontinuirano prate i analiziraju stanje na tržištu nekretnina s ciljem predlaganja boljih opcija za smještaj DKP-a. U studiji praćenja realizacije preporuka revizorski tim je analizirao jedini aktuelni slučaj postupka kupovine objekata za potrebe DKP-a u Podgorici. Uvidom u korespondenciju između sjedišta i DKP-a u Podgorici vidljiv je proaktivan odnos koji DKP u Podgorici ima naspram kupovine objekata u ovoj državi. Prisutna su preliminarna istraživanja tržišta kao i prikupljanja ponuda od strane različitih agencija za nekretnine koje u ponudi imaju objekte koji bi mogli odgovarati potrebama smještaja u ovoj državi iako komisija za kupovinu objekata još uvijek nije u punom sazivu. Potrebna sredstva za kupovinu objekata u Podgorici iznose 1,5 mil. KM te je iz korespondencije između MVP-a i MFT-a vidljivo da je došlo do smanjenja iznosa sa prvobitno traženih 2,4 mil. KM za kupovinu objekata u ovom gradu. Navodi se da je izvršena detaljna analiza tržišta nekretnina u Podgorici na osnovu čega je predložena vrijednost i kvadratura objekta. MVP je također dostavio i korespondenciju između Ambasade BiH u Madridu i sjedišta MVP-a u kojem su evidentne aktivnosti ambasada na smanjenju iznosa rente za stan u kojem se nalazi DKP Madrid, što je i realizovano početkom 2021. godine.


### 3.2. Trenutno stanje u revidiranoj oblasti

Imajući u vidu stepen realizacije preporuka prikazanih u poglavlju 3.1. i preduzete aktivnosti MVP-a, možemo konstatovati da je uočen nedovoljan napredak u stanju ove oblasti u odnosu na period kada je rađena prvobitna revizija. Iako su institucije preduzimale različite aktivnosti, iste nisu okončane. Da bi stanje u revidiranoj oblasti mogli ocijeniti kao zadovoljavajuće potreban je dalji angažman MVP-a i drugih nadležnih institucija.

Kada je riječ o troškovima koje MVP ima po ovom osnovu, u posljednje četiri godine isti se nisu značajnije mijenjali. Međutim, evidentno je smanjenje iznosa u 2018. godini u odnosu na 2017. godinu za više od milion KM. Prema tvrdnji sagovornika iz MVP-a razlozi za evidentno smanjenje troškova u 2018. u odnosu na 2017. godinu, nemaju uporište u značajnijoj promjeni stanja u ovoj oblasti te se određena odstupanja mogu pripisati smanjenju osoblja u predstavništvima, devizno fluktuiranje koje se ogleda u jačanju eura te je kupovinom objekata u Zagrebu i Beogradu ostvarena godišnja ušteda od oko 240.000 KM po osnovu zakupa. Smanjenje iznosa troškova zakupa nije pokazatelj efikasnijeg pristupa nadležnih kada je u pitanju realizacija sredstava za višegodišnje kapitalne projekte koji su važni zbog potrebe zaštite već postojećih objekata od propadanja, racionalizacije troškova zakupa prostora i zgrada, osiguranja adekvatnih uslova za rad zaposlenih u DKP mreži BiH. Iako su aktivnosti preduzimane iste nisu okončane tako da i dalje nisu doneseni ni jasni standardi i kriteriji koje objekti u DKP-u trebaju ispunjavati. Pravilnik o plaćama, dodacima i naknadama osoblja u DKP-u nije značajnije mijenjan te su i dalje zaposlenici u destinacijama u kojim su troškovi stanovanja izrazito veliki u nepovoljnijoj situaciji.

Pomak je evidentiran kad je u pitanju useljenost objekata kao i preduzimanje aktivnosti na izradi procjena potrebnih ulaganja u objekte kao i realizacije ulaganja u manjem obimu za rekonstrukciju i adaptaciju objekata naslijeđenih u postupku sukcesije.

Tabela br. 3. Unajmljivanje prostora ili zgrada i naknade za smještaj osoblja u DKP-u



Izvor: Ured za reviziju na osnovu podataka iz ISFU sistema

Revizorski tim analizirao je izvještaje o radu Vijeća ministara i MVP-a od 2018. do 2020. godine i uočio da se određeni projekti ne realizuju očekivanom dinamikom. Naime,

vidljivo je da projekti i programi koji se tiču unapređenja rada MVP-a kroz efikasnije upravljanje imovinom, preuzimanjem objekata dobijenih sukcesijom, osiguravanjem standarda za rad DKP-a, kupovinom, adaptacijom, opremanjem s ciljem smanjenja zakupa objekata za potrebe DKP mreže, nisu realizovani očekivanom dinamikom. Ilustracije radi, navest ćemo primjere kupovine, adaptacije i opremanja objekata DKP-a u Ljubljani, Podgorici i Skoplju, koji nisu realizovani. Više u tabeli u prilogu br. 4.

Do promjene stanja u oblasti došlo je u dijelu zajedničke prodaje objekata u inostranstvu koji su bili u vlasništvu nekadašnje SFRJ. Prodajom objekata u 2018. i 2019. godini, BiH je dobila određena sredstva, i to za Bon 1,1 mil. KM, Tokio 4,3 mil. KM i Njujork 2,2 mil. KM. U 2022. godini prodat je još jedan objekat u Njujorku - cca. 7,5 mil. USD i Bernu 0,7 mil. franaka. Sredstva dobijena prodajom ovih objekata namijenjena su za kupovinu i adaptaciju objekata DKP-a. Tako je, primjera radi, Odlukom o odobravanju višegodišnjeg kapitalnog projekta - kupovina, adaptacija i opremanje objekta za smještaj diplomatsko-konzularnog predstavništva Bosne i Hercegovine u Crnoj Gori - Podgorica<sup>6</sup>, odobreno 1,5 mil. KM za ovu namjenu koja nije realizovana u predviđenom periodu, iako su sredstva bila na raspolaganju. Prednosti kupovine objekata vidljive su u slučajevima kupovine objekata u Zagrebu i Beogradu, u prethodnom periodu, gdje su na godišnjem nivou utvrđene uštede od oko četvrtine miliona KM.

Tim revizije učinka:

Eldina Pleho, vođa tima



Eldin Subaša, revizor učinka



Radivoje Jeremić

Rukovodilac Odjela za kontrolu kvaliteta, metodologiju i planiranje revizije učinka



<sup>6</sup> Službeni glasnik BiH br. 84/18



## PRILOZI

## Prilog 1.

Tabela broj 1. Pregled donesenih odluka VM-a o višegodišnjim kapitalnim projektima za kupovinu, adaptaciju i opremanje objekata DKP-a

Odluka	Sl. glasnik	Ukupan iznos kojuse odobrava	Naziv projekta	Izvor finansiranja	Prestaje da važimijenja se odluka
Odluka o odobravanju kapitalnih ulaganja u 2010. godini - kupovina, adaptacija i opremanje objekata za DKP BiH u Berlinu, Beogradu i Zagrebu	94/10	4.800.000	Kupovina, adaptacija i opremanje objekta u Berlinu Kupovina, adaptacija i opremanje objekta u Beogradu Kupovina, adaptacija i opremanje objekta u Zagrebu	Budžet 2010.	
Odluka o odobravanju višegodišnjeg projekta preselejenja misije država partnera NATO-a u zgradu "Z" u Briselu	74/15	1.106.000	Preselejenje misije država partnera NATO-a	Budžet 2016. Budžet 2017.	
Odluka o višegodišnjem kapitalnom projektu - kupovina, adaptacija i opremanje objekata za diplomatsko-konzularna predstavništva BiH	48/16	4.310.443	Kupovina objekta u Beogradu	Prenesena budžetska sredstva iz 2010.	Prestaje da važi Odluka 94/10
			Kupovina objekta u Zagrebu	Prenesena budžetska sredstva iz 2010.	
			Adaptacija objekata u Londonu	Sredstva od prodaje objekata u Vašingtonu iz 2015.	
			Opremanje objekta u Londonu	Sredstva od prodaje objekata u Vašingtonu iz 2015.	
			Adaptacija objekata u Otavi	Sredstva od prodaje objekata u Vašingtonu iz 2015.	
			Adaptacija objekata u Amanu	Sredstva od prodaje objekata u Vašingtonu iz 2015.	
			Adaptacija objekata u Stuttgartu	Sredstva od prodaje objekata u Vašingtonu iz 2015.	
Sanacija sistema grijanja u Briselu	Sredstva od prodaje objekata u Vašingtonu iz 2015.				
Opremanje objekta u Beogradu, Zagrebu i Oslu	Sredstva od prodaje objekata u Vašingtonu iz 2015.				
Odluka o višegodišnjem kapitalnom projektu - kupovina, adaptacija i opremanje objekata za diplomatsko-konzularna predstavništva BiH	69/18	5.252.806	Kupovina objekta u Beogradu	Odobrena i prenesena budžetska sredstva 2010-2018.	Prestaje da važi Odluka 48/16
			Rekonstrukcija i adaptacija objekta u Beogradu	Odobrena i prenesena budžetska sredstva 2010-2018.	
			Kupovina objekta u Zagrebu	Odobrena i prenesena budžetska sredstva 2010-2018.	
			Adaptacija objekata u Londonu	Odobrena i prenesena budžetska sredstva 2010-2018.	
			Adaptacija objekata u Otavi	Odobrena i prenesena budžetska sredstva 2010-2018.	
			Adaptacija objekata u Amanu	Odobrena i prenesena budžetska sredstva 2010-2018.	
			Adaptacija objekata u Stuttgartu	Odobrena i prenesena budžetska sredstva 2010-2018.	
			Sanacija sistema grijanja u Briselu	Odobrena i prenesena budžetska sredstva 2010-2018.	
			Rekonstrukcija i adaptacija objekta u Madridu	Odobrena i prenesena budžetska sredstva 2010-2018. i sredstva koja će se planirati u budžetu za 2019. godinu	
			Rekonstrukcija i adaptacija objekta u Budimpešti	Sredstva koja će se planirati u budžetu za 2019. godinu	

					<b>Odobrena i prenesena budžetska sredstva 2010-2018.</b>	
Odluka o višegodišnjem kapitalnom projektu - kupovina, adaptacija i opremanje objekata za diplomatsko-konzularna predstavništva BiH u Crnoj Gori - Podgorica	84/18	1.500.000		Opremanje objekata u Zagrebu, Londonu, Oslu, Madridu i Budimpešti Kupovina, adaptacija i opremanje objekata za DKP u Crnoj Gori - Podgorica	Sredstva uplaćena po Odluci o zajedničkoj prodaji rezidencije stalnog predstavništva bivše SFRJ pri UN-u u Njujorku u periodu 2019-2020. (dinamika realizacije projekta)	
Odluka o odobravanju višegodišnjeg projekta kapitalnih ulaganja - rekonstrukcija i opremanje objekata za diplomatsko-konzularno predstavništvo BiH u Beču	51/20	2.100.000		Rekonstrukcija i adaptacija objekata za DKP u Beču Opremanje objekata za DKP u Beču	Sredstva uplaćena po osnovu Odluke o pokretanju postupka prodaje objekata diplomatske i konzularne imovine bivše SFRJ za koju ne postoji zainteresovanost niti jedne države nasljednice bivše SFRJ, Odluke Vijeća ministara Bosne i Hercegovine o odobravanju zajedničke prodaje Ambasade i rezidencije ambasadora bivše SFRJ u Tokiju i Odluke Vijeća ministara Bosne i Hercegovine o odobravanju zajedničke prodaje Ambasade bivše SFRJ u Bonu (projekat realizacije 2020-2022.)	
Odluka o izmjeni odluke o odobravanju višegodišnjeg projekta "preseljenje misije država partnera NATO-a u zgradu "Z" u Briselu	6/21	1.628.419		Preseljenje misije država partnera NATO-a		Izmjena odluke 74/15

Izvor: Ured za reviziju institucija BiH na osnovu odluka VM-a BiH

## Prilog 2.

Tabela broj 2. Pregled VKU MVP-a za period 01.01-31.12.2021.

Naziv institucije: Ministarstvo vanjskih poslova BiH										
PREGLED VIŠEGODIŠNJIH KAPITALNIH ULAGANJA ZA PERIOD 01.01. - 31.12.2021. GODINE										
Tabela br. 1a. ZAVRŠNA REVIZIJA										
Nb.	Naziv VKU	Broj i datum SO u koje je objavljena odluka o odobravanju VKU	Period trajanja VKU po odluci (godina...do)	Ukupna odobrena vrijednost VKU	Realizacija VKU do 31.12.2020. godine	Preostala VKU u 2021. godinu	Sredstva odobrena za VKU u 2021. godini	Ukupna operativna VKU u 2021. (7+8)	Izvršenje VKU za 31.12. 2021.	Neizmirena predjma VKU 31.12.2021. (8-10)
1	2	3	4	5	6	7	8	9	10	11
1	Izgradnja multifunkcionalnog atrija - rekonstrukcija i investiciono održavanje, 2013. godina	Sl. glasnik BiH broj 35/13	2013-2015	1 050 000	422.413	627 587	0	627 587	572.172	55.415
2	Preseljenje država partnera NATO u zgradu "Z", 2016. godina	Sl. glasnik BiH broj 74/15, 6/21	2016-2017	1 626 410	1 626 410	0	0	0	0	0
3	Kupovina DKP Beograd, 2015. godina	Sl. glasnik BiH broj 69/16,	2010-2018	1 600 000	1 600 000	0	0	0	0	0
4	Kupovina DKP Zagreb, 2015. godina	Sl. glasnik BiH broj 69/16,	2010-2018	1 700 000	1 700 000	0	0	0	0	0
5	Adaptacija objekta u Londonu	Sl. glasnik BiH broj 69/16	2010-2018	130 000	111.305	18 695	0	18 695	0	18 695
6	Adaptacija objekta u Otavi	Sl. glasnik BiH broj 69/16	2010-2018	71 440	71.440	0	0	0	0	0
7	Adaptacija objekta u Amanu	Sl. glasnik BiH broj 69/16	2010-2018	20.444	20.444	0	0	0	0	0
8	Adaptacija objekta u Štutgartu	Sl. glasnik BiH broj 69/16	2010-2018	159 570	159 570	0	0	0	0	0
9	Sanacija grijanja u Brnselu	Sl. glasnik BiH broj 69/16	2010-2018	129 964	129 266	698	0	698	0	698
10	Adaptacija Madrid	Sl. glasnik BiH broj 69/16	2010-2018	400 000	251 956	148 044	0	148 044	0	148 044
11	Opremanje objekta - Zagreb, London, Oslo, Madrid i Budimpešta	Sl. glasnik BiH broj 69/16,	2010-2018	241 388	145.409	95 979	0	95 979	0	95 979
12	Kupovina, adaptacija i opremanje objekta za smještaj DKP BiH u Cmoj Gori - Podgorica	Sl. glasnik BiH broj 64/16	2019-2020	1 500 000	0	1 500 000	0	1 500 000	0	1 500 000
13	** Adaptacija objekta u Budimpešti	Sl. glasnik BiH broj 69/16	2010-2018	800 000	0	800 000	0	800 000	0	800 000
14	Rekonstrukcija i opremanje objekta za potrebe DKP BiH u Beču	Sl. glasnik BiH broj 51/20	2020-2022	2 100 000	0	2 100 000	0	2 100 000	0	2 100 000
<b>UKUPNO</b>				<b>11.831.226</b>	<b>6.246.342</b>	<b>5.290.963</b>	<b>0</b>	<b>6.290.963</b>	<b>672.172</b>	<b>4.718.811</b>
Izveštaj o činio:						Odgovorna osoba:				
* Vežano za projekat izgradnje multifunkcionalnog atrija, MVP BiH je potpisao Ugovor sa odabranim izvođačem i nadzornim organom, radovi su završeni u toku primopredaje radova										
** Vežano za adaptaciju objekta u Budimpešti potpisao je Ugovor sa odabranom projektantskom kućom za izradu glavnog projekta i predmjera i predračuna radova na osnovu kojeg će se raspisati javni poziv za izbor izvođača radova i nadzor										
*** Na Programu posebne namjene "Kupovina objekata za potrebe DKP BiH" su raspoređena sredstva u iznosu od 3.305.701,00 KM										

Izvor: MVP

Prilog 3.

Tabela broj 3. Pregled useljenih objekata DKP-a, rezidencija i stanova u vlasništvu BiH

Način sticanja imovine	Lokacija imovine	Vrsta imovine	Godina sticanja	Useljenost stambenih jedinica utvrđenih prvobitnom revizijom	Useljenost stambenih jedinica utvrđenih praćenjem
Sukcesija	Beč	Rezidencija	sept. 2012.	ne	ne
	Oslo	Zgrada ambasade sa stanom	aug. 2012.	ne	da
	Budimpešta	Rezidencija	jun. 2011.	ne	ne
	Madrid	Zgrada ambasade sa stanovima	okt. 2012.	ne	ne
	London	Zgrada ambasade sa stanovima	jan. 2002.	povremeno	da
	Otava	Zgrada ambasade sa stanovima	dec. 2011.	ne	da
	Milano	Stan	okt. 2011.	ne	ne
Kupovina	Štuttgart	Zgrada konzulata sa stanovima	feb. 1993.	povremeno	da
	Štuttgart	Stan u ul. Finkenstrasse	maj 1995.	povremeno	da
Donacija	Aman	Zgrada ambasade sa stanom	jan. 1996.	da	da
	Kanbera	Zgrada ambasade sa rezidencijom i stanom	dec. 1999.	da	da

Izvor: Ured za reviziju na osnovu informacija MVP-a

## Prilog 4.

Tabela br. 4. Javne investicije planirane godišnjim programom rada Vijeća ministara i MVP-a

God.	Projekat javnih investicija	Očekivani period realizacije	Završen (DA/NE)	Status	Komentar
2018.	Kupovina, adaptacija i opremanje objekata DKP-a BiH u Ljubljani, Podgorici i Skoplju	2018-2020.	NE	U postupku	Vijeće ministara BiH je na 156. sjednici održanoj 5.11.2018. godine, donijelo Odluku o odobravanju višegodišnjeg kapitalnog projekta – kupovina, adaptacija i opremanje objekta za smještaj DKP-a u Crnoj Gori – Podgorica.
2019.	Kupovina, adaptacija i opremanje objekata DKP-a BiH u Ljubljani, Podgorici i Skoplju	2019-2021.	NE	U postupku	Donesena Odluka VM-a BiH o višegodišnjem kapitalnom projektu – kupovina, adaptacija i opremanje objekta za smještaj DKP-a BiH u Podgorici (Sl. glasnik BiH broj 84/18). U toku je donošenje odluke o imenovanju Komisije za kupovinu objekta u Podgorici. Prijedlog odluke dostavljen je VM-u BiH na usvajanje.
2020.	Kupovina, adaptacija i opremanje objekata DKP-a BiH u Ljubljani, Skoplju, Rimu i Vatikanu	2020-2022.	NE	Odloženo	Nedostatak sredstava

Izvor: Izvještaji o radu Vijeća ministara i MVP-a za 2018-2020. godinu